

गलातीयाला वोतुप तेपा कितुपतिवाला पावलकी टिवु यिकी दी थेपकी कोर्ला

येशुकी कोर्ला लेन ल्यामु ख्याप्टाक कितुप छल्सिमा यहदी मिन्दुप मीतिवी ती लेन ल्यामुला तेपा क्यासुड। ती ज्युक्ला तिवा वुतुङ्की ख्रीष्टियान च्युङ्गुपला मोशाकी ठिम तेन गोकुी ताड, मोगोवी सिनी टिवा क्यासुड। तमा पावलकी तिवाला ती ठिम ति तेन मोगोवी सिनी सिक्क्यासुड, च्यिलासिसिन ख्रीष्ट नेसुर थोपुप मिजी रम्बु ति तेपा यिन। तमा तेपा नेसुर राड तेरी मीतिवा कोन्छयोककी दोङ्गला टेङ्गु च्युङ्गिगी सिनी सिक्क्यासुड। यिने एशियाला वोतुप गलाती सिस्म रोमी लुङ्गुला वोतुप चर्चतिवाला ललाइ मीतिवा पावलकी तेन्दोकला लानी मोशाकी ठिमला मातेन्सिन सु साड कोन्छयोककी दोङ्गला टेङ्गु च्युड मुथुपी सिनी ख्याप्टाक क्यानोक।

तुका लेन मेटेङ्गु ख्याप्टाक कितुपतिवी लुवु गलातीतिवा तेपा टेङ्गुला लोकनी वुड ज्यितुपला पावलकी दी यिकी ति टिवु यिन। तीकी दी यिकीला खोरुड ख्रीष्टकी लोमा यिन्दुप ताड खोरुडला ख्रीष्टकी लोमाकी ओङ्ग्येन वोतुप ति हाक्कोवा क्यानी सिक्क्या वे। तमा खोरुड लोमा च्युङ्गुप ति कोन्छयोककी कताड नङ्गुप यिन। तमा चुका जम्बुलिङकी ओङ्ग्येन नेमा साड च्युङ्गुप मिन, यिने खोरो ख्याप्टाक क्यावु ति खक्छयेवुला यहदी मिन्दुपतिवी थोक्ला यिन सिनी सिक्क्या वे। येल्ड तेपा क्यानी तिराड मी ति कोन्छयोककी दोङ्गला टेङ्गु च्युङ्गिगी सिनी तीकी सिक्क्या वे। तिङ्गी लोप्येनतिवाला ल्हासिन पावलकी ख्रीष्टियानकी किताड नालु ति ख्रीष्टला तेपा क्यासिमा वुङ्गुप ड्यिङ्ग्ये नेसुर राड छ्या देन्गिगी सिनी सिक्क्या वे।

मुला राड वोतुप लोप्येनतिवा

पावलकी डोशी १:१-१०

पावलला लोमा छयेकी ओङ्ग्येन वोतुप १:११-२:२१

कोन्छयोककी च्यम्बा वोतुप लेन ल्यामु ३:१-४:३१

ख्रीष्टियानकी थर्वा ताड ठिलेन ५:१-६:१०

यिकी टिनी सिन्दा क्यावु ६:११-१८

पावलकी टसी देलेक

1-2 टसी देलेक! दी यिकी ति ड पावल ताड डे मुला वोतुप तेपा कितुपतिवा तेरी नेसुर गलातियाला वोतुप चर्चतिवाला टिवु यिनो। ड लोमा छये च्युङ्गुप ति मीतिवी नेसुर मिन, मीकी ओड नेसुर साड मिन, यिने येशू ख्रीष्ट ताड खोला टुङ्गुप ने डोसु लोङ्गुप पपा कोन्छयोककी पेन नङ्गुप यिन।

3 दाक्पी पपा कोन्छयोक ताड चोवो येशू ख्रीष्टकी ख्यिराडला कटिन ताड लोदिमु नङ्गी।

4 येशू ख्रीष्ट ति दाक्पी पपा कोन्छयोककी नोवा नेसुर दी दुक्टाकी क्येङ्गुप जम्बुलिड ने दाक्पुला थर्वा नङ्गुपला दाक्पी दिक्पी थोक्ला टुङ्गुप।

5 तुक क्यानी कोन्छयोकला नरीकी नरी मोवा वुङ्गी। आमिन।

लेन ल्यामु ति ख्रीष्टकी तिराड यिन

6 ख्रीष्टकी कटिन नेमा ख्यिराडला कताड नङ्गुप कोन्छयोकला ख्यिरा दुका टिम्बु क्युनी यम्बा लेन ल्यामुकी थाकाला युक्प थोङ्नी डला छासे हलेवा लानी वे।

7 चोवो येशू ख्रीष्टकी लेन ल्यामु मिसिन चुका ति साड टेङ्बु मे, यिने मी ललाइकी यम्बा लेन ल्यामु शेनी ती लेन ल्यामुला क्योसुड।

8 यिने ड्यिरा ख्याप्ताक क्यावु लेन ल्यामु सिनाड यम्बा लेन ति ड्यिराड याङ्ना देवाच्येनकी लेन क्योलुप थु सी ख्याप्ताक क्यासिनाड तीला पचर्या फोकिवी।

9 दी तामडे ति डे गोमाला साड सिक्यायी, यिने तन्दा साड सिरिन। सी साड ख्यिरा सेमला लावु लेन ल्यामु सिनाड यम्बा लेन ल्यामु ख्यिराडला ख्याप्ताक किवी सिसिन तीला पचर्या फोकिवी।

10 त डे सिक्यावु तामडे ति मीला गा लोङ्गुपला यिनाड की, कोन्छयोकला गा लोङ्गुपला यिन? याङ्ना ड मीतिवा नेसुर ताङ्देन छोलुपला यिन? डे तरोड साड मीतिवा नेसुर ताङ्देन छोलुप लाका क्यासुड सिसिन ड ख्रीष्टला शब्ज्यी कितुप लावा मिन।

पावलला कोन्छयोककी कतङ्गुप

11 अच्युनुपतिवा डे ख्यिराडला ख्याप्टाक क्यावु लेन ल्यामु ति मी जोवु मिन सिनी ख्यिराडला हाक्को ज्यितुप डला नो वे।

12 च्यिलासिसिन ती ति मी डला सिक्वावु मिन, मी लापुप साड मिन, यिने चोवो येशू ख्रीष्टकी डला ज्यल्का नेसुर नड्गुप यिन।

13 गोमाला ड यहदी छ्योला तेन्दुप पेला येशूला तेपा कितुपतिवाला छेटाड दुडल तेस्प मी यिन सिस्प ति ख्यिरा थोनी राड वे।

14 ती पेला ड ताड दुरिम वोतुप यहदी मी बडी नाड ने ड ति यहदी छ्योला तेन्दुप खामु वोतुप मी यिन। तमा पगावा हड्गावी तेन्दुप लुकसु तेरी डार छयेवु क्यानी तेन्दुप मी साड यिन।

15 यिने ड क्येप सिनाड गोमाला के कोन्छ्योककी डला पेनी खोकी कटिनला कताड नड्नी

16 खोरे सेवुकी कोर्ला लेन ल्यामु माथोवु मीतिवी पर्ला पड्बु तेस्पला खोकी डला खोरे सेवुला डो शे ज्यितुप गा लानोक। ती पेला डे मी सुला साड ती तामडे सी माक्या।

17 तमा ड सिनाड गोमी लोमा छयेतिवाला ठेतुपला यरूशलेम मागल्नी शाकर्येक अरब लुड्बाला गल्नी तेसुर चेयी ज्युक्ला दमस्कसला लोकिन।

18 तेसुर लो सुम ज्युक्ला ड पत्रसला ठेतुपला यरूशलेमला गल्नी ते तीकी मुला ड्रियमा च्येडा सेक देतिन।

19 यिने ते डे चोवो येशूकी नुप याकूबला मिसिन यम्बा लोमा छये सुला साड माठे।

20 दी डे ख्यिरा थोक्ला टिवु तामडे ति तेरी कोन्छ्योककी थोड्दाडला टेड्बु वे।

21 ती ज्युक्ला ड सिरिया ताड किलिकिया लुड्बाला गलिन।

22 ती पेला सेक ते यहदियाला वोतुप चर्चकी मीतिवी डला डो माशेनोक।

23 तिवी “तोड्दला दाक्पुला दुक्पा तेस्प मी ति तन्दा ना तोड्गुप छोलुप ती सुड राड ख्याप्टाक किनोक।” सिस्प ति थोनोक।

24 ते तिवी डे मिजी फोवु थोड्नी कोन्छ्योकला सोवा तेक्सुड।

2

लोमा छयेतिवी पावलला गासो श्नु

1 लो च्युप्ज्यी तिड्ला बारनाबास ताड तीतसला टिनी ड येल्ड यस्शलेम गलिन।

2 कोन्छयोककी ते ग्युक सिनी छ्या तेन्दुप तप्की ड ते गल्नी यहदी मिन्दुप मिरिक यम्बाला ख्याप्टाक क्यावु लेन ल्यामुकी कोर्ला ते वोतुप चर्चकी गोमा कितुप मी छ्येतिवी मुला दासा कुतुकला देनी ताम्डे क्यायिन। तुक क्यावु ति डे क्यावु गोमी लाका ताड तिड्ला कितुप लाका तेरी तेर्मे मोडोशी सिनी नो क्यावु तप्की यिन।

3 यिने डे मुला वोतुप तीतस ति ग्रीककी मी यिन्सिनाड तीला सी साड यहदीतिवी च्येतुप लुकसु कि राड गोकिवी सिनी माक्या।

4 च्यिलासिसिन मेटेड्बु शेतुप अच्युनुपतिवी दाक्पुला च्येतुप लुकसु कि गोकिवी सिनी सिक्यासुड। तुक क्यावु तेन्दोक ति तिवी दाक्पु ख्रीष्टला तेपा क्यानी रड्ज्येन थोपुपतिवाला खोरो योक्पु जोपला यिन।

5 तुक क्यानी छियराड नरी ख्रीष्टकी टेड्बु वोतुप लेन ल्यामुला देशी सिनी तिवी सिक्यावु ताम्डेला उकुर च्यिक साड डियरा माड्ज्येन।

6 मी छ्ये यिन सिस्प मीतिवी डे ताम्डे काड साड मापो। तिवा छ्ये वोसिनाड डे थोक्ला काड साड मिन। च्यिलासिसिन कोन्छयोककी मीला ल्हानी मिन, मी सेम ल्हानी ठिम क्या नडिगवी।

7 यिने पन्सला यहदीतिवी पर्ला लेन ल्यामु ख्याप्टाक कितुपला पेतुप दोके डला ति कोन्छयोककी यहदी मिन्दुप मिरिक यम्बाकी मीतिवी पर्ला लेन ल्यामु ख्याप्टाक कितुपला तड्गुप ति तिवी हाक्कोसुड।

8 च्यिलासिसिन कोन्छयोककी पन्सला यहदीतिवी पर्ला लेन ल्यामु ख्याप्टाक कितुपला लोमा छ्ये जो नड्गुप दोके डला ति यहदी मिन्दुप मिरिक यम्बाकी मीतिवी पर्ला लेन ल्यामु ख्याप्टाक कितुपला लोमा छ्ये जोनी ताड्सुड।

9 तुक क्यानी ते चर्चकी खक्छ्येवु याकूब ताड पन्स ताड यूहन्नातिवी कोन्छयोककी डला कटिन नड्गुप थोड्नी ड ताड बारनाबासला मुला थिन्नी लाका कितुप सिनी सिक्यासुड। तमा डियराड ति यहदी मिन्दुप मिरिक यम्बाकी मीतिवी पर्ला, तिवा ति च्येतुप लुकसु क्यावु यहदीतिवी पर्ला लाका कितुपला ताम्डे डिक्सुड।

10 ते तिवी डियराडला पेराड्बुतिवाला दाल्जा किटे की सिनी टोड्गु बिन्सुड, ती लाका ति डला साड कितुप गा वोतुप्जा।

पावलकी पत्रसला डोप्सुर ग्यपुप

11 यिने पत्रस* एन्टिओखियाला वाबु पेला डे तीला मी तेरीकी पर्ला डोप्सुर ग्यपिन, च्यिलासिसिन तीकी क्येन फोकुप लाका क्यानोक।

12 ते याकूबकी तड्गुप यहदी दाल्जातिवा बुड्गुप गोमाला पत्रस ति यहदी मिन्दुप मिरिक यम्बाकी मीतिवी मुला देनी साप थुड्गुप क्यानोक। यिने तिवा ते वासिमा तीकी तिवी मुला साप थुड्गुप क्युर ज्याक्नी गाल्सुड। च्यिलासिसिन ती ति यहदी च्येतुप लुकसु तेन्दुपतिवी मुला ज्यिवा किनोक।

13 तमा ते यम्बा यहदीतिवी साड पत्रसकी दोके खोनकपु लाकाला तिड्यासुड। तुक राड क्यानी बारनाबासकी साड तिवी दोके लुमु सेसुड।

14 तिवा कोन्छयोककी सुड टेड्बुला मायुकुप थोडिसिमा डे पत्रसला मी तेरीकी पर्ला “ख्युरूड यहदी गिपाकी मी यिन्सिनाड यहदी मिन्दुप मिरिक यम्बाकी मी दोके च्येपां किसिन चुक क्यानी मिरिक यम्बाला यहदी दोके च्येपां कि गोकिवी सिनी सि थुप्किवी?” सिनी सिक्क्यायी।

तेपा क्यानी थस्पकी कोर्ला

15 दाकपु ति यहदी गिपाला राड क्येवु यिन, यहदी मिन्दुप मिरिक यम्बा दोके दिक्छेन मिन।

16 दाकपु ति मोशाकी ठिमला वोतुप लाकातिवा क्यानी टेड्बु च्युड्गुप मिन, येशू ख्रीष्टला तेपा क्यसिमा टेड्बु च्युड्गुप यिन सिनी हाक्कोकिवी। तुक क्यानी मोशाकी ठिमला वोतुप लाकातिवा क्यानी टेड्बु च्युड्गुप मिन, यिने ख्रीष्टला तेपा क्यसिमा टेड्बु च्युड्गुप तप्की दाकपु यहदी साड येशू ख्रीष्टला तेपा किवी। च्यिलासिसिन मोशाकी ठिमला वोतुप लाकातिवा क्यानी सु साड टेड्बु च्युड मुथुपी।

17 दाकपु ख्रीष्टला तेपा क्यानी टेड्बु च्युड्गुप छोलुप पेला मोशाकी ठिम मातेन्सुड सिसिन दिक्पा कितुप मीतिवा यिन। काड ती दिक्पा ति येशू ख्रीष्टकी जो नड्गुप यिन रो? मिन!

18 यिने डे क्युनीं ज्युकुप मोशाकी ठिमकी लाकातिवा येलुड क्यसुड सिसिन ड ति क्येन फोकुप मी दोके च्युड्गिवावी।

19 कोन्छयोककी थोक्ला ड सेन्बु लु थुप्पी सिनी ठिमकी थोक्ला ड शिनी वे।

* 2:11 २:११ पत्रसला केफास साड सिवी।

20 ड ख्रीष्ट ताड मुला ग्यडिशड लोला कल्प यिन। तुक क्यानी तन्दा डे क्योङ्गुप मिजी ति डे ति मिन, ख्रीष्टकी ति यिन। दी मिजी ति डला डियङ्ग्ये क्यानी खोरे मिजी साड डे थोक्ला नङ्गुप कोन्छयोककी सेवुला तेपा क्यानी क्योङ्गिगी।

21 त ड कोन्छयोककी नङ्गुप कटिनला तेर्मे जो मुथुपी। च्यिलासिसिन मोशाकी ठिमकी लाकाकी दाक्पुला टेङ्बु जो थुप्सिन ख्रीष्ट टुङ्गुप ति तेर्मे डिवी।

3

मोशाकी ठिम याङ्ना तेपा

1 ओ गलातीकी मी अम्बारडिशडतिवा, ख्यिराडला सी लसुड? येशू ख्रीष्ट ग्यडिशडला कल्प ति ख्यिरा मिककी राड थोङ्गुप मिन?

2 ड ख्यिराडला ताम्डे यी टेयिन। ती ति काड यिन सिसिन, ख्यिरा कोन्छयोककी थु चाङ्मा ति मोशाकी ठिमकी लाका क्यानी थोपुप यिन की, कोन्छयोककी सुडला तेपा क्यानी थोपुप यिन?

3 च्यिला ख्यिराड दुका अम्बारडिशड कितुप नोकिवी? ख्यिरा गोमाला खोकी थु चाङ्मा नेसुर मिजी सम्बा थोपुप गो चुसुड, यिने तन्दा रडगी लाका ल्यामु क्यानी ती मिजी थोपुप छोलिन वे।

4 काड गोमाला ख्यिरा छेटाड दुडल खुरूप ति तेर्मे गल रो? वुतुड के तेर्मेला गालसुड रो?

5 दी ख्यिरा मिजीला वोतुप खोकी थु चाङ्माकी लाका ताड हलेवु लाका ति ख्यिरा मोशाकी ठिमला तेन्नी थोपुप यिन की, येशू ख्रीष्टकी लेन ल्यामुला थोनी तेपा क्यानी थोपुप यिन?

6 अब्राहामकी मिजीला ल्हो, तीकी कोन्छयोकला तेपा क्यावु तप्की तीला खोकी टेङ्बु वोतुप मी यिन सिनी सेमला लावु यिन।*

7 तुक क्यानी सी खोला तेपा किवे, तिवा तेरी अब्राहामकी गिपातिवा यिन सिनी हाक्को गोकिवी।

* 3:6 ३:६ उत्पत्ति १५:६

8 खोकी सुडला खोरे राड यहदी मिन्दुप मिरिक यम्बाकी मीतिवाला तिवी क्यावु तेपा नेसुर टेड्बु च्युड्गुप ति गोमाला के हाक्कोसिमा “ग्युस्ड नेसुर राड तेरी गिपातिवाला मोलाम थोक्किवी।” सिनी अब्राहामला गोमाला के सुडनी वे।*

9 तुक क्यानी खोकी अब्राहामला मोलाम नड्गुप दोके तेपा कितुपतिवा तेरीला साड अब्राहाम ताड मुला राड मोलाम नड्गिवी।

10 तमा मोशाकी ठिमला तिराड तेन्नी टेड्बु च्युड्गुप छोलुपतिवा तेरीला पचर्या फोकिवी। च्यिलासिसिन कोन्छयोककी सुडला दुक सिनी टि वे, “मोशाकी ठिमला वोतुप क तेरीला नरी मेड्येन्दुप मीतिवाला पचर्या फोकिवी।”*

11 दी तेरी लहानी काड हाक्कोकिवी सिसिन, कोन्छयोककी थोड्दाडला मीतिवा सु साड ठिमला तेन्नी टेड्बु च्युड मुथुपी, च्यिलासिसिन “टेड्बु ति तेपा क्यानी तिराड च्युड थुक्किवी।” सिनी सुडला टि वे।*

12 यिने मोशाकी ठिम तेन्दुप ति तेपा कितुप नेसुर वुड्गुप मिन। बोरु कोन्छयोककी सुडला दुक सुडनी वे, “मोशाकी ठिमला वोतुप क तेरी तेन्दुप मीतिवा टेड्बु च्युड थुक्किवी।”*

13 ख्रीष्टकी ग्यडिशडला कल्नी दाक्पी थोक्ला पचर्या खुनीं दाक्पुला मोशाकी ठिम तेरी मातेन्नी वुड्गुप पचर्या ने र्होकसुड। च्यिलासिसिन ग्यडिशडला कलुप ति तेरी पचर्या फोकुप यिन सिनी सुडला टि वे।*

14 ख्रीष्टकी तुक क्यावु तेन्दोक ति अब्राहामला बिन्दुप मोलाम ति यहदी मिन्दुप मिरिक यम्बाकी मीतिवाला इये थुप्शी, तमा दाक्पुला ति तेपा क्यासिमा कोन्छयोककी थाक्छयेन नड्गुप थु चाड्मा इये थुप्शी सिनी यिन।

मोशाकी ठिम ताड थाक्छयेतुप ताम्डे

15 अच्युनपतिवा, डे सिक्यावु ताम्डे ति ख्यिरा हाक्कोशी सिनी ख्यिराडला मीतिवी पे नेसुर लापिन। थेड्मा यी थाक्छयेनी यिकीला सही क्यासिमा तीला सी साड मिन सिनी सि मुथुपी, तमा ताम्डे ल्हक्पा ज्याक्नी टिक साड मुथुपी।

16 कोन्छयोककी अब्राहाम ताड तीकी गिपाला थाक्छयेन नड्गुप पेला “ख्योरो गिपातिवाला” सिनी मी बडीला मासुड, यिने “ख्योरो गिपा च्यिक राडला” सिनी सुडनी वे। ती च्यिक राड वोतुप गिपा ति ख्रीष्ट यिन।*

* 3:8 ३:८ उत्पत्ति १२:३ * 3:10 ३:१० व्यवस्था २७:२६ * 3:11 ३:११ हबकूक २:४ * 3:12

३:१२ लेवी १८:५ * 3:13 ३:१३ व्यवस्था २१:२३ * 3:16 ३:१६ उत्पत्ति १२:७

17 डे सिक्क्यावु ताम्डे ति काड यिन सिसिन, कोन्छयोककी थेडूमा यी अब्राहाम ताड मुला थाक्छयेन नड्गुप ताम्डेला लो सयी ज्यी ताड खल सुम ज्युक्ला जोवु मोशाकी टिवु ठिमकी क्युनीं मोज्योकिवी।

18 च्यिलासिसिन कोन्छयोक नेसुर मोलाम थोपुप गिपा च्युड्गुप ति मोशाकी ठिम नेसुर वावु यिन्सिन, खोकी थाक्छयेन नड्गुप ति काडगी तेन्दोक राड मेवी, यिने खोकी थाक्छयेन नड्गुप नेसुर अब्राहामला गिपा च्युड्गुप मोलाम नाड्सुड।

19 तुकै यिन्सिन दी मोशाकी ठिम ति च्यिला बिन्दुप यिनाड? ती ति कोन्छयोककी थाक्छयेन नड्गुप गिपा वुडदा सेक दिक्पा छया देन्दुपला जो नड्गुप यिन। ती मोशाकी ठिम ति देवाच्येनकी लेन क्योलुप थुतिवा नेसुर खोकी मोशाला नड्गुप यिन। तमा ती ति मोशाकी मीतिवाला बिन्दुप यिन।

20 यिने खोकी अब्राहामला थाक्छयेन नड्गुप ति मी यम्बी लक नेसुर मिन्दाला खोकी राड नाड्सुड।

21 तुकै यिन्सिन काड मोशाकी ठिम ति कोन्छयोककी थाक्छयेन नड्गुप ताम्डेला मिडिकिवी? तुकै मिन। मोशाकी ठिमकी दाक्पुला मिजी सम्बा तेर थुपुप यिन्सिन दाक्पु ति मोशाकी ठिमला देनी राड टेड्बु च्युड थुपुप ति यिन्जा।

22 यिने कोन्छयोककी सुडला “जम्बुलिडकी मीतिवा तेरी दिक्पी ओडला वे।” सिनी वे। तुक कयानी येशू ख्रीष्टला तेपा कितुप मीतिवाला तिराड खोकी थाक्छयेवु ताम्डे ति थोक्किवी।

23 येशू ख्रीष्ट फेप्सिमा खोला तेपा माक्यावा सेक दाक्पु ति मोशाकी ठिमकी ओडला ज्याक्नी वे।

24 तुक कयानी मोशाकी ठिम ति दाक्पु येशूला तेपा कयानी टेड्बु माच्युडा सेक दाक्पुला गोमा कितुप गेकेन दोके यिन।

25 यिने त दाक्पी येशूला तेपा क्यावु तप्की दाक्पुला गेकेन दोके गोमा कितुप मोशाकी ठिम ति मोगोवी।

दाक्पु कोन्छयोककी पेजातिवा

26 तमा ख्रीष्ट येशूला तेपा क्यावु तप्की ख्यिराड तेरी कोन्छयोककी पेजातिवा यिन।

27 च्यिलासिसिन ख्यिराड तेरी येशूकी मुला बप्तिस्मा लानी खो मुला राड सेम च्यिक्पा राड च्युड्नी वे।

28 तुक क्यानी कोन्छयोककी थोड्दाडला खिरा नाड्ला काड ख्ये मे, यह्दी साड मिन, ग्रीककी मी साड मिन। योक्पु साड मिन, ज्यिन्दाक साड मिन। पुम्पेजा साड मिन, ख्योक्पेजा साड मिन। येशू ख्रीष्टला तेपा क्यसिमा खिराड तेरी च्यिक्पा राड यिन।

29 खिराड ख्रीष्टकी ति यिन्सिन अब्राहामकी गिपा यिन, तमा कोन्छयोककी थाक्छयेन नङ्गुप अंश थोप छयोवु पुज्युड यिन।

4

1 डे सिक्पावु ति काड यिन सिसिन, कोन्छयोककी थाक्छयेन नङ्गुप अंश माथोपा सेक पुज्युड टिक्पे वोतुप तप्की पुज्युड ति तेरी नोरकी ज्यिन्दाक यिन्सिनाड ती ति योक्पु दोके च्युङ्गिबी।

2 पपी नोवाला वोतुप तुजे माछेवा सेक तीला लहाप मी तीकी ओडला ती ति दे राड गोकिबी।

3 ती दोके दाक्पु साड टिक्पे वोतुप पेला ति फेन मोथोवु जम्बुलिडकी ल्हलुकी ओडला योक्पु दोके वोतुपजा।

4 यिने तुजे छेसिमा कोन्छयोककी खोरे सेवुला दी जम्बुलिडला तड्नी पुम्पेजा यीकी खोक नेमा मोशाकी ठिमकी ओडला क्येसुड।

5 तीकी तेन्दोक ति मोशाकी ठिमकी ओडला वोतुप मीतिवाला थर ज्यितुप ताड दाक्पु कोन्छयोककी थाक्छयेन नङ्गुप पेजा च्युङ्गुपला यिन।

6 दाक्पु कोन्छयोककी पुज्युड यिन्दुप तप्की खोकी खोरे सेवुकी थु ति दाक्पी सेमला ज्याड नाड्सुड। तुक क्यानी दाक्पी खोला “पपा कोन्छयोक” सि थुक्किबी।

7 ती तप्की त खिराड योक्पु मिन, खोकी पुज्युड यिनो। खिराड खोकी पुज्युड यिन्दुप तप्की खोकी मुला वोतुप अंश तेरी खिराडला थोक्किबी।

गलातीतिवी थोक्ला पावलकी पप क्यवु

8 गोमाला खिरा कोन्छयोकला डो माशेवु पेला जम्बुलिडला वोतुप ल्हलुतिवाला योक्पु दोके क्यानी शब्ज्यी क्यसुड।

9 यिने त याड खिरा कोन्छयोकला डो शेनी वे, खोकी साड खिराडला डो शेनी वे। यिन्सिनाड खिराड च्यिला ओड मेतुप ताड फेन मोथोवु जम्बुलिडकी ल्हलुकी ओडला लोकनी शब्ज्यी कितुप नो किवी?

10 तमा कोन्छयोक्ला गा लोङ्गुपला ख्यिरा छेवा ताड ल ताड नाम ताड लोला तेन्दुप लाका थोङ्नी

11 डे दुक्पा क्यानी क्यावु लाका ति तेर्मेला डिते सिनी डला पप लङ्गिनोक।

12 अच्युनुपतिवा, ख्यिराड ड दोके च्युङ्शी सिनी गोङ्बा शोयिन। च्यिलासिसिन ड साड ख्यिराड दोके च्युङ्गुप यिन। ख्यिरा गोमाला डला काड साड मेलोकपा माक्या वे।

13 ड अमोछयो वोतुप तप्की डे ख्यिराडला थल्माला लेन ल्यामु ख्याप्टाक क्यावु ति छ्या राड वे।

14 ड अमोछयो वोतुप ति ख्यिरा थोक्ला खोकपा ल्हावु दोके गल्सिनाड ख्यिरा डला ड्यिङ्मर माक्या, मारे साड माताड। यिने देवाच्येनकी लेन क्योलुप थु ताड ख्रीष्ट येशूला दोके ताड्देन क्यासुड।

15 तोजो पेला वोतुप ख्यिरा गा ति कनी गाल? च्यिलासिसिन डला गोसिन ख्यिरा डला रडगी मिक् साड तेन्नी तेर थुपुप ति यिन्जा।

16 काड डे ताम्डे टेङ्बु लाप्नी के ख्यिरा मुला डला गलुप यिन रो?

17 यम्बा लेन ल्यामु मेटेङ्बुला क्योकुप मीतिवी ख्यिराडला ताम्डे ल्यामु जोनी लुकिवी। ती ति तिवी सेम टेङ्बु क्यानी मिन, डे मु नेसुर कुतुक पेनी खोपे ताम्डेला डर्मा जोपला यिन।

18 तिवी सेम टेङ्बुला डर्मा वोसिन ड ख्यिरा पर्ला वोतुप पेला तिराड मिन, ड मेतुप पेला साड नरी डर्मा कितुप गिवी।

19 डे ड्यिङ्ज्येवु आडातिवा, ख्यिराड ति ख्रीष्टकी दोके मिजी माक्योङ्वा सेक ड ति आडा क्येप पुम्पेजाला सुक ग्यपुप दोके छेटाडला ख्येल्ली दे गोकिवी।

20 ड ख्यिरा मुला वोतुप यिन्सिन ख्यिराडला डे ल्यामो क्यानी ताम्डे कितुपजा, यिने ड थाक्किङ्बु वोतुप तप्की ख्यला ख्यिला गाल्सुड।

हागार ताड सारा

21 ख्यिराड मोशाकी ठिमकी ओडला देतुप नो कितुपतिवाला ड ताम्डे यी टेयी। मोशाकी ठिमकी दाक्पुला काड लोप्किवी ख्यिराडला छ्या वे?

22 कोन्छयोक्की सुडला दुक् सिनी टि वे, “अब्राहामकी पुज्युड पिन ड्यी नोक। च्यिक ति योक्मी थाकाला क्येवु ताड यम्बा ति खोरो पेमीं थाकाला क्येवु नोक।”

23 योक्मी थाका नेमा क्येवु ति मी नोवा नेमा क्येवु नोक, यिने खोरो पेमीं थाका नेमा क्येवु ति कोन्छ्योककी थाक्छ्येन नड्गुप नेमा क्येवु नोक।

24 दी ताम्डे ति पे नेसुर शेतुप यिन। च्यिलासिसिन दी पुम्पेजा ड्यीकी तेन्दोक ति कोन्छ्योककी थाक्छ्येन नड्गुप ताम्डे ड्यीकी कोर्ला यिन। कोन्छ्योककी थाक्छ्येन नड्गुप ताम्डे च्यिक ति सीनै रीला मोशाला सुड्गुप ताम्डे यिन। ती ति हागार यिन। ती हागार ति योक्मु यिन्दुप तप्की ती नेसुर क्येवुतिवा तेरी योक्मु यिन।

25 तमा हागार ति अराबिया लुड्बी सीनै री दोके यिन। तमा ती ति तन्दाकी यरुशलेम दोके यिन। ती ताड तीकी गिपातिवा ति तन्दा वोतुप यरुशलेमकी मीतिवा दोके यिन। तिवा तेरी योक्मु दोके मिजी क्योड्गिवा।

26 यिने देवाच्येनला वोतुप यरुशलेमकी तेन्दोक ति योक्मु मिन, दाक्पी आमा यिन।

27 च्यिलासिसिन कोन्छ्योककी सुडला दुक सिनी टि वे,
“ओ आडा मेक्येवु आम्पुम, गा की।

ओ आडा क्येप सुक हाक्माकोवु आम्पुम,
गा कियी सिरा च्यार तेन।

च्यिलासिसिन ख्योवा वोतुप सिनाड आम्पुम रप्छ्येमकी गिपातिवा राड मड वे।”

28 अच्युनुपतिवा, ख्यिराड साड इसहाक दोके कोन्छ्योककी थाक्छ्येन नड्गुप गिपा यिन।

29 ती पेला मी नोवा नेमा क्येवु तीकी कोन्छ्योककी थु चाड्मा नेमा क्येवु तीला दुक्पा ताड छेटाड तेर्किनोक। ती दोके तन्दा साड दाक्पी तुकै राड थोड्गिवा।

30 यिन्सिनाड कोन्छ्योककी सुडला दुक सिनी टि वे, “योक्मु ताड तीकी पुज्युडला तेन्नी तोड। च्यिलासिसिन ती योक्मुकी पुज्युडला कोन्छ्योककी थाक्छ्येन नड्गुप पुज्युडकी मुला नाम्साड पपी अंश ति थोपुप ओड मे।”*

31 तुक क्यानी डे अच्युनुपतिवा, दाक्पु ति योक्मी थाकाकी ति मिन, कोन्छ्योककी थाक्छ्येन नड्गुप अब्राहामकी पेमीं थाकाकी गिपा यिन।

5

ख्रीष्टकी दिक्पा ने थर च्यितुप

* 4:30 ४:३० उत्पत्ति २१:१०

1 ख्रीष्टकी दाक्पुला रड्ज्येन नड्गुपला दिक्पा ने थर च्यिनी वे। तुक क्यानी ख्यिराड तेपा रम्बु जोनी गोमी दोके योक्पुकी मिजी माक्योड।

2 इयेना, ड पावल ख्यिराडला सिरिन। ख्यिरा यहदी च्येतुप लुकसु तेन्सुड सिंसिन ख्रीष्ट नेमा ख्यिराडला काड साड ख्येप्साड मेड्गिगी।

3 यहदी च्येतुप लुकसु तेन्दुपतिवा तेरीला येलुड ड सिरिन। सी च्येतुप लुकसु तेन्निवे, तीकी तेरी मोशाकी ठिम ति तेन्दुपला चेक लाड गोकिवी।

4 ख्यिराड खुरडला टेड्बु जोपला मोशाकी ठिमला तेन्नी देसुड सिंसिन ख्रीष्टकी मुला तम्जी मे, तमा खोकी कटिन साड इये मुथुपी।

5 च्यिलासिंसिन दाक्पु ति कोन्छयोक्की थु चाड्मा नेमा खोला तेपा क्यानी टेड्बु च्युड्गुप रेवाला गुनी देकिवी।

6 दाक्पु ख्रीष्टला तेपा क्यसिन च्येतुप लुकसु तेन्सिनाड मातेन्सिनाड काड साड ख्येपर मे, यिने तामडे च्यिक ति काड यिन सिंसिन इयिड्ज्ये नेसर दाक्पी मिजीला तेपा छ्या देन गोकिवी।

7 ख्यिरा तेपा ति रम्बु डोयी नोक, यिने सी ख्यिराडला दी लाका टेड्बु कितुप नेसर क्येक्सुड?

8 दी ग्येकुप लाका ति ख्यिराडला थर ज्यितुप कोन्छयोक्की क्यावु मिन।

9 खमीर चेयीकी टन्दोक तेरी बो च्यितुप दोके यिन।

10 ख्यिराड तेरी यम्बा थाकाला मोडोवी सिनी ड चोवो कोन्छयोक्कला तेन्तेन वे। यिने सी खोकी मुला वोतुप मीला लुनी टिन डिवे, तीला कोन्छयोक्की पच्यी फोकिवी।

11 डे अच्युनपतिवा, ड च्येतुप लुकसुकी कोर्ला तिराड ख्याप्ताक किवी सिंसिन, च्यिला तन्दा सेक साड यहदीतिवी डला छेटाड दुडल तेर्किवी? तुकै यिन्सिन ग्यडिशडला कल्प येशूकी दिक्पा ने थरुप लेन ल्यामु ख्याप्ताक कितुपला काड साड छेटाड मे।

12 सी ख्यिराडला टुक्शिड ग्यप्नी च्येतुप लुकसु तेन ज्यितुप छोल्लिगे, तीकी खोरो जुकी येन्लक राड च्येसिन बुड्गुप्जा।

13 डे अच्युनपतिवा, कोन्छयोक्की ख्यिराडला कताड नड्गुप तेन्दोक ति ख्यिराडला रड्ज्येन नड्गुपला यिन। तुक क्यानी ख्यिराड दिक्पा कितुप क्युनी च्यिककी च्यिकला इयिड्ज्ये क्यानी शब्ज्यी की।

14 तेरी ठिमतिवा ति क च्यिककी नाड्ला वे, ती ति रडगी युल्वातिवाला खुरूडला दोके डियेड्ये कितुप यिन।*

15 यिने ख्यिराड नाटुडकी सेम्ज्येनतिवा दोके च्यिककी च्यिकला फेतुप ताड सेवी सिसिन ख्यिरा पर्ला राड ना डोप लाका यिनो। तीकी कोर्ला ख्यिराड च्याड्से देता।

कोन्छयोककी थु चाड्मा नेमा वुड्गुप किताड नालु

16 ड ख्यिराडला टोड्गु तेरिन, ती ति काड यिन सिसिन ख्यिराड कोन्छयोककी थु चाड्माकी ओडला युसुड सिसिन जुकी दुक्टा वोतुप दिक्पी ओडला दे मोगोवी।

17 च्यिलासिसिन दाक्पी जुकी दुक्टा वोतुप नासाम ति कोन्छयोककी थु चाड्माकी मुला मिडिकिवी। तुक राड क्यानी थु चाड्माकी नासाम साड जुकी दुक्टा वोतुप नासाम ताड मुला मिडिकिवी। तिवा डियेवु ति ड दोके यिन। तुक क्यानी ख्यिरा काड लाका कितुप नो क्या वे, ती ति कि मुथुपी।

18 ख्यिराड थु चाड्माकी ओडला युसुड सिसिन ठिमकी ओडला मे।

19 दिक्पी च्योलामकी लाकातिवा शम्डेन कितुप ताड मेटेड्बु कितुप ताड छयेवु छयेमु कितुप ताड

20 ल्हलुला तेन्दुप ताड ड ग्यकुप ताड डला जोप ताड थमु ग्यकुप ताड ठतोक कितुप ताड डियेर्मु कितुप ताड खुरूडला तिराड च्युड्शी नो कितुप ताड ख्ये पेनी दाक दाक्पी छोकपा जोप ताड

21 ठतोक डर्केल कितुप ताड छ्याड्गेले ताड खावाला मुदुवु यिन। तीकी कोर्ला डे ख्यिराडला गोमाला सिक्पावे, येलुड साड सिरिन। सी दुका लाका किवे, तिवा ति कोन्छयोककी ग्येल्खापला शुक मोछयोवी।

22 यिने चो पेला दाक्पु कोन्छयोककी थु चाड्माकी ओडला देकिवे, ती पेला दाक्पी मिर्जीला डेलु गरुप दोके डियेड्ये ताड गा ताड लोदिमु ताड हम क्या देतुप ताड च्यम्बा कितुप ताड मी यम्बी थोक्ला लाका ल्यामु कितुप ताड लोतेर्मु कितुप ताड

23 कुसु ज्यम्बु ताड डेकला देतुप तेरी लाकातिवा वुड्गिगीवी। तीकी तेन्दोकला लड्गुप ति काड साड ठिम मे।

* 5:14 ५:१४ लेवी १९:१८

24 सु येशु ख्रीष्टकी सुडला युकिवे, तीकी दिक्पाकी किताड नालु ताड नोवातिवा खोरो जु ताड मुला राड ग्यडिशडला कल वे।

25 दाक्पु कोन्छयोक्की थु चाड्माकी ओडला मिजी क्योड्गिगी सिंसिन ती थु चाड्माकी ओडला राड युक् गोकिवी।

26 दाक्पु ड राड यिन सिस्प मेवी, च्यिककी च्यिकला ड्गिर्मु लोड्गुप मेवी, तमा च्यिककी च्यिकला ठतोक साड कितुप मेवी।

6

मी यम्बी थोक्ला लाका ल्यामु कितुप

1 अच्युनुपतिवा, मी ललाइ दिक्पाला ख्येल्सुड सिंसिन ख्यिराड तेपा कितुपतिवी कुसु ज्यम्बु क्यानी तीला ल्यामु जोप लाका की। ती पेला ख्यिराड ति च्याड्से किसा, मिसियाड ख्यिराड साड दिक्पाला ख्येल्लितो।

2 ख्यिराड च्यिककी च्यिकला दुक्पा ख्येलुप पेला ख्रीष्टकी सुड्गुप ठिमला वोतुप दोके च्यिककी च्यिकला दाल्जा किसा।

3 दोजो मी ललाइकी खोरुड ति काड दोके मिन्सिनाड खक्ख्येवु यिन सिनी नोकिवी सिंसिन तीकी खुरुडला राड जिनोक जोवु यिन।

4 तीकी थोक्ला तेरीकी खोरो क्यावु लाका ति ल्यामो क्यानी ल्हो। खोरो क्यावु लाका ति मी यम्बी मुला डिकनी माल्हा। मिसियाड ख्युरुड छ्येजु कितुप डिवितो।

5 च्यिलासिंसिन मी तेरीकी खोरो चेक लावु लाका ति खोरो राड कि गोकिवी।

6 कोन्छयोक्की सुड लापुपतिवी सुड लाम तेस्प मी तीला खोरो मुला वोतुप च्यालक ल्यामुतिवा गोनी बिन।

7 ख्योरो रडला राड जिनोक माजो। कोन्छयोक्ला सी साड मारे तोड्गुप मेड्गिगी। च्यिलासिंसिन मी काड चु वे, तिराड डकिवी।

8 तुक् क्यानी ख्युरुड खोरो जुकी थोक्ला तिराड जुकिवी सिंसिन ख्योरो जु नेसुर मेलोक्पा तिराड डकिवी, यिने कोन्छयोक्की थु चाड्माकी थोक्ला जुकिवी सिंसिन खोकी थु चाड्मा नेसुर नाम्साड मिशिवु मिजीकी थोक्ला डकिवी।

9 दाक्पु मी यम्बी थोक्ला लाका ल्यामु कितुपला नाम्साड येन छ्येतुप ताड यिछ्येतुप मेड्गिगी, च्यिलासिंसिन तुजे छेसिमा डक थुक्किवी।

10 तुक् क्यानी च्यु वोतुप पेला राड मी तेरीला लाका ल्यामु की। खक्ख्येवुला तेपा कितुपतिवी मिछाडतिवाला मड ल्यामु कि गोकिवी।

पावलकी तिड्मी टोड्गु

11 ल्होसा, दी यिकी बोम्बु ति खिरा थोक्ला डे लाक्पी राड टिवु यिनो।

12 खुरडला टेड्बु छया देन्दुप गा लड्गुपतिवी खिराडला यहदी च्येतुप लक्सु तेन गोकिवी सिवी। तीकी तेन्दोक ति तिवा येशू ख्रीष्टकी ग्यड्शिडकी तेन्दोकला बुड्गुप छेटाड दुडल नेसुर रूहोकुपकी थोक्ला यिन।

13 सी यहदी च्येतुप लक्सु तेन्गिबे, तीकी ठिमला मेतेन्दी। यिन्सिनाड खिराडला ति च्येतुप लक्सु तेन गोकिवी सिनी सिवी। तिवी तुक क्यावु तेन्दोक ति खिरा जुकी थोक्ला तेके कितुपला यिन।

14 यिने दाक्पी चोवो येशू ख्रीष्टकी ग्यड्शिडकी कोर्ला मिसिन ड यम्बा काडला साड तेके मिकी। ख्रीष्ट नेसुर जम्बुलिड ति डे थोक्ला ताड ड ति जम्बुलिडकी थोक्ला ग्यड्शिडला कलुप यिन।

15 च्यिलासिसिन ख्रीष्ट येशू नेसुर खक्छयेवु मिजी सम्बा ड्येसिमा यहदी च्येतुप लक्सु क्यासिनाड माक्यासिनाड काड साड ख्येप्साड मे।

16 त कोन्छयोककी कला ड्येन्नी मिजी क्योड्गुपतिवा ताड इस्नाएलकी कोन्छयोककी गिपातिवा तेरीला खोकी लोदिमु ताड च्यम्बा थोप्शी।

17 तफेन नेज्युनी डला सी साड दुक्पा मेतेशी, च्यिलासिसिन खोला शब्ज्यी क्यावु यिन सिस्प पड्बुकी मडीतिवा बडी डे जुला वे।

18 अच्युनुपतिवा, दाक्पी चोवो येशू ख्रीष्टकी कटिन ति खिरा सेमला बुड्शी।
आमिन।

कोन्छ्योककी सुड

Sherpa: कोन्छ्योककी सुड New Testament

copyright © 2014 Wycliffe Bible Translators, Inc.

Language: (Sherpa)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 18 Apr 2025 from source files
dated 29 Jan 2022

b834b297-b0c6-512e-bce6-f4d9b41b94be